

AUGLÝSING

um erlendar lántökur og leigusamninga vegna innflutnings á vélum, tækjum og búnaði til atvinnurekstrar.

Á grundvelli 12. gr. laga nr. 63/1979 um skipan gjaldeyris- og viðskiptamála og 19. gr. reglugerðar nr. 519/1979 um sama efni hefur viðskiptaráðuneytið, í samráði við Seðlabanka Íslands, sett eftirfarandi reglur um erlendar lántökur og erlenda kaupleigu og fjármögnunarleigu á tækjum og vélum til nota í atvinnurekstri.

1.0 Erlendar lántökur vegna kaupa á vélum, tækjum og búnaði til nota í atvinnurekstri svo og vegna skipaviðgerða.

1.1 Heimilt er að gera lánssamninga við erlenda aðila um kaup frá útlöndum á vélum, tækjum og búnaði, sem upp eru talin í lið 4.5 hér á eftir til nota í atvinnurekstri. Innlendum framleiðendum þeirra véla, tækja og búnaðar, sem upp eru talin í 4.5 hér að neðan, er heimilt að taka erlend lán til að fjármagna slíka framleiðslu sína með sömu takmörkunum og greinir í reglum þessum.

1.2 Heimilt er að gera lánssamninga við erlenda aðila um viðgerðir á skipum erlendis. Hér lendum skipasmíðastöðvum er og heimilt að taka lán erlendis til að fjármagna samningsverð sams konar viðgerða, og þær annast sjálfar.

1.3 Ef ekki kemur til ábyrgð innlends banka, sparisjóðs, tryggingarfélags eða opinbers fjárfestingarsjóðs, má hið erlenda lán jafngilda samningsverði vörunnar, en allt að 67% af samningsverði, ef slík ábyrgð kemur til.

Að öðru leyti gilda almenn skilyrði í 4.0 hér að neðan.

2.0 Kaupleigusamningar um vélar, tæki og búnað til nota í atvinnurekstri og lántökur í því sambandi.

Atvinnufyrirtækjum er heimilt að gera kaupleigusamninga við erlenda og innlenda aðila um kaupleigu á vélum, tækjum og búnaði, sem upp eru talin í lið 4.5 hér á eftir til nota í starfsemi sinni.

Þá er innlendum fyrirtækjum, sem annast kaupleigu, heimilt að taka erlend lán til innflutnings á sams konar vélum, tækjum og búnaði.

Að öðru leyti gilda almenn skilyrði í 4.0.

3.0 Samningar um fjármögnunarleigu (leasing) á vélum, tækjum og búnaði og lántökur í því sambandi.

Heimilt er að gera fjármögnunarleigusamninga við erlenda aðila um vélar, tæki og búnað til nota í atvinnurekstri skv. 4.5 hér að neðan með leigufjárhæðum, er jafngilda samningsverði þeirra.

Þá er innlendum fyrirtækjum, sem annast fjármögnunarleigu heimilt að taka lán erlendis til að fjármagna samningsverð sams konar leigusamninga og heimilt er að gera við erlenda aðila skv. framansögðu.

Að öðru leyti gilda almenn skilyrði í 4.0 hér að neðan.

4.0 Almenn skilyrði um láns- og leigusamninga skv. 1.0-3.0.

4.1 Allar erlendar lántökur skv. 2.0 og 3.0 hér að ofan skulu bundnar leigusamningum og kjörin mótist af því, sbr. endurlánsskilyrði 38. og 39. gr. laga um stjórn efnahagsmála o.fl. nr. 13/1979.

4.2 Láns- og leigusamninga þessa, skv. 2.0 og 3.0 hér að framan, er ekki heimilt að gera með ábyrgð innlends banka og sparisjóðs, tryggingarfélags eða opinbers fjárfestingarsjóðs.

4.3 Hver samningur um einstaka vél eða vélasamstæðu og tæki skal að lágmarki vera fjárhæð USD 5000 eða að jafnvirði í annarri mynt. Hámarks láns- eða leigutími er sjö ár, en um leigu eða lán til lengri tíma skal sækja um heimild til viðskiptaráðuneytisins.

4.4 Staðfest afrit láns- eða leigusamnings skal leggja fyrir gjaldeyriseftirlit Seðlabankans. Gjaldreyriseftirlitið gengur frá bankastimplun innflutningsskjala, þegar um það er að ræða.

Seðlabankinn setur jafnframt reglur um reglulega skýrslugerð þeirra aðila, sem annast láns- eða leigusamninga skv. auglýsingu þessari, bæði með innlendu og erlendu fjármagni, með heimildum í lögum um gjaldeyrismál og Seðlabankann.

4.5 Reglur þessar gilda um vélar, tæki og búnað til nota í atvinnurekstri, sem falla undir eftirtalda kafla tollskrárinnar og tilheyrandi tollskrárnúmer, þó ekki varahluti:

Úr 59. KAFLA:

59.05.01 Fiskinet og fiskinetaslöngur úr gerviefnum, - loðnu- og síldarnætur o.þ.h.

Úr 73. KAFLA:

73.21.06 Steypumót (mótakerfi)

73.22 Tankar úr ryðfríu stáli

73.27.05 Færibönd

Úr 84. KAFLA:

84.01 Katlar til framleiðslu á vatnsgufu eða annarri gufu (gufukatlar), þó ekki vatnsmiðstöðvarkatlar sem einnig geta framleitt gufu með lágum þrýstingi, háhitavatnsskatlar (super heated water boilers)

84.02 Hjálpartæki við katla sem teljast til nr. 84.01

84.03 Tæki til framleiðslu á loftgasi, vatnsgasi og acetylengasi

84.05 Gufuvélar

84.06.10 Flugvélahreyflar

84.06.69 Vararafstöðvar

84.07 Vökvaþrýstivélar og hreyflar (þar með talin vatnshjól og vatnshverflar)

84.08.10 Potuhreyflar

84.08.20 Skrúfupotuhreyflar

84.08.50 Hlutar til potuhreyfla eða skrúfupotuhreyfla

84.09.00 Sjálfknúnar vegþjöppur

84.10 Vökvadælur

84.11.11 —

84.11.19 Dælur og þjöppur

84.15 Tæki og vélar til kælingar og frýstingar

84.16 Sléttipressur

84.17 Vélar, tæki og vélasamstæður, svo og hliðstæður búnaður til rannsóknastofa

84.18 Miðflóttaaflsvindur; vélar og tæki til síunar og hreinsunar á vökvum og lofttegundum

84.19.21 Aðrar uppþvottavélar

84.19.29 Annað

84.20 Vogir

84.21 Mekanísk tæki til dreifingar, sprautunar og úðunar á vökvum og dufti

- 84.22.11 Kraftblakkir til fiskiskipa og vindur til dráttarbrauta
- 84.22.12 Vindur, þar með taldar akkeris- og skipavindur
- 84.22.21 Lyftikranar
- 84.22.50 Rennistigar og rennigangbrautir
- 84.22.61 Færibönd og sniglar
- 84.23.10 —
- 84.23.40 Vélar og tæki til graftar, uppfyllingar, námuvinnslu, grjótnáms og annars þess háttar
- 84.25.20 Sambyggðar uppskeru- og þreskivélar
- 84.25.32 Upptökuvélar fyrir kartöflur og aðra garðávexti
- 84.25.41 Flokkunarvélar fyrir egg og aðra landbúnaðarframleiðslu
- 84.26.21 Mjólkurvinnsluvélar
- 84.26.29 Annað
- 84.28 Aðrar vélar og tæki til landbúnaðar
- 84.29 Vélar og tæki til brauðkornsmölunar
- 84.30 Vélar og tæki, sem ekki teljast til einhvers annars númers þessa kafla, til notkunar við framleiðslu mat- og drykkjarvara
- 84.31 Vélar og tæki til framleiðslu og vinnslu á pappírsmassa, pappír og pappa
- 84.32 Bókbandsvélar
- 84.33 Vélar og tæki til pappírs- og pappaskurðar
- 84.34.10 Vélar, tæki og áhöld til að steypa og setja prentietur og vélar til framleiðslu og eftirvinnslu á prentmyndamótum, prentplötur og prentvölsun
- 84.35 Aðrar prentvélar og hjálparvélar þeim tilheyrandi
- 84.36 Vélar til útpressingar á tilbúnum spunatrefjum; vélar til vinnslu á spunaefnum, náttúrulegum og tilbúnum; spuna- og tvinningarvélar og spólunar- og hespunarvélar
- 84.37 Vefstólar, prjónavélar og vélar til framleiðslu á yfirspunnum þræði
- 84.40.29 Þvottavélar, sem taka meira en 6 kíló, aðrar en til heimilisnotkunar
- 84.40.30 Þurrhreinsivélar
- 84.40.40 Þurrkarar til iðnaðarnota
- 84.40.62 Strokvélar, aðrar en til heimilisnotkunar
- 84.40.63 Vélar til eftirvinnslu á garni og spunavörum
- 84.40.64 Prentunarvélar
- 84.41.12 Saumavélar til notkunar í iðnaði
- 84.42 Vélar og tæki til snyrtingar, sútunar og vinnslu á húðum og skinnum og til framleiðslu á vörum úr leðri og skinni
- 84.43 Málmbræðsluofnar- og vélar
- 84.44 Málmvölsunarvélar
- 84.45 Vélar til smíða úr málm og málmkarbídum; þó ekki vélar er teljast til nr. 84.49 og 84.50
- 84.46 Vélar til vinnslu og smíða úr steini, brenndum leir, steinsteypu, asbestsementi og gleri, þó ekki handverkfæri
- 84.47 Vélar til smíða úr trjáviði, korki, beini, harðgúmmí, svipaðrar hörku (þó ekki tæki er teljast til nr. 84.49)
- 84.52 Reiknivélar, bókhaldsvélar, stimpilpeningakassar, frímerkjavélar, aðgöngumiðavélar og aðrar svipaðar vélar sem eru með reikniútbúnaði
- 84.53 Sjálfvirkar gagnavinnsluvélar og einingar þeim tilheyrandi, lesarar fyrir seguletur og ritletur, vélar til að umskrá gögn á gagnamiðla á táknmáli og vélar til að vinna úr slíkum gögnum ót.a.

- 84.55.21 Tölvuhlutir
- 84.56 Vélar og tæki til sundurgreiningar, sáldunar, þvotta, mölunar og blöndunar á mold, steinum, málmgrýti og öðrum föstum steinefnum, einnig þótt þau séu sem duft eða deig, vélar og tæki til að pressa eða móta fast eldsneyti, efni í leirvörur, óharðnað sement, gips og önnur steinefni í duft- eða deigformi; vélar til framleiðslu á steypumótum úr sandi
- 84.57 Vélar og tæki til framleiðslu og vinnslu á gleri og glervörum o.fl.þ.h.
- 84.59 Vélar og tæki og mekanísk áhöld til sérstakra nota og teljast ekki til annars númeris í þessum kafla
- 84.60 Mótakassar til málmsteypu; steypumót fyrir málma
- 84.65.01 Skipsskrúfur

Úr 85. KAFLA:

- 85.01 Rafalar, rafhreyflar, straumbreytar, spennar og afriðlar, afriðilstæki og spankerfi
- 85.11 Rafbræðslu- og hitunarofnar til notkunar í iðnaði eða á tilraunastofum
- 85.15.71 —
- 85.15.79 Ratsjár- og loftskeytamiðunartæki

Úr 86. KAFLA:

- 86.06 Verkstæðisvagnar, kranavagnar og aðrir vinnuvagnar fyrir járnbrautir og sporbrautir
- 86.08 Gámar

Úr 87. KAFLA:

- 87.01.10 Beltadráttarvélar
- 87.01.20 Dráttarbifreiðar fyrir festivagna
- 87.02.12 Snjóbifreiðar
- 87.02.13 Loftpúðaökutæki
- 87.01.17 Ökutæki með burðarþol 3 tonn og þar yfir til flutnings bæði á mönnum og vörum
- 87.02.21 Almenningsbifreiðar fyrir 10-17 manns
- 87.02.29 Aðrar almenningsbifreiðar
- 87.02.31 —
- 87.02.34 Grindur með hreyfli og ökumannshúsi með burðarþoli 3 tonn og þar yfir
- 87.02.35 —
- 87.02.49 Ökutæki til vöru- og efnisflutninga og sjúkrabifreiðar
- 87.03.01 Slökkvibifreiðar
- 87.03.02 Snjóplógar
- 87.03.03 Kranabifreiðar
- 87.04.01 —
- 87.04.09 Grindur með hreyfli fyrir ökutæki er teljast til 87.01 - 87.03
- 87.05.02 Yfirbyggingar fyrir almennings- og vörubifreiðar
- 87.07.11 —
- 87.07.19 Gaffallyftarar o.fl.
- 87.14.21 —
- 87.14.29 Tengi- og festivagnar til vöruflutninga

